

商邱縣志目錄

文安 劉德昌 重修

崑山 葉 澐 編輯

卷首

萬壽亭圖 縣境圖 城圖 縣治圖 學宮圖

黃河圖 新河圖

卷之一

沿革 星野 城池形勢附 封域 公廨郵政附

山川溝洫津梁附 風俗節序附 物產

卷之二

賦役

鹽引附

卷之三

學校

災祥

兵燹

古蹟

第宅

陵墓

卷之四

祠祀

坊表

寺觀

帝王

封建

卷之五

官師

名宦

卷之六

選舉

卷之七

恩例

貤封

武科

卷之八

聖蹟

先賢

名臣

卷之九

賢達

儒林

文苑

卷之十

武功

隱逸

忠烈

孝友

卓行

流寓

方技 仙釋

卷十一

列女

卷十二

藝文 王言

卷十三

藝文 漢至唐
雜文

卷十四

藝文 宋元
雜文

卷十五

藝文

明祿
文

卷十六

藝文

國朝
祿文

卷十七

藝文

賦

卷十八

藝文

古體
詩

卷十九

藝文
近體詩
著書附

卷二十

撫佚

高丘縣志卷之八

聖跡

孔子殷人也當爲宋人物之首孟子嘗在宋也當爲宋流寓之首然以大聖大賢雜入于諸品之內毋乃迂而褻乎而孔孟之過化不可忘也因著其所自出及遊宋之槩以先人物諸篇

孔子本宋人宋公微子之後自孔父有華督之難其子木金父奔魯木金父生罍夸罍夸生防叔防叔生伯夏伯夏生叔梁紇叔梁紇生孔子敬王二十

四年自衛至宋二十五年自宋適陳過匡至二十八年去曹適宋與弟子習禮大樹下今城東南文雅臺相傳卽其故處

孟子軻騶人也學于子思之門人得其道遊于齊梁齊梁之王雖不能用亦敬禮之嘗在宋與戴不勝論薛居州與戴盈之論什一之賦關市之征滕文公爲世子時聞其名自楚往反皆過宋見孟子孟子與言性善之說文公悅之敬禮有加今郡城北門有性善祠故址相傳爲文公見孟子處

先賢

仲尼之徒羞稱五霸德行具而事功不足道矣洙泗之士三千而有名籍者不過數十人而宋得其二足爲邑人光矣故以冠于諸品

司馬耕字子牛宋大夫向魋之弟魋作亂入于曹以叛宋宋景公使左師向巢伐之巢不能克魋奔衛巢奔魯司馬牛致其邑與珪焉而適齊魋出于衛地求夏后氏之璜與他玉而奔齊陳成子使爲次卿司馬牛又致其邑而適吳吳人惡之而反卒于

魯郭門之外阮氏葬諸丘與

原憲字子思宋人憲居環堵之室茨以生蒿蓬戶甕
牖上漏下濕匡坐而絃歌子貢乘肥馬衣輕裘中
紺而表素軒不容巷而往見之原憲楮冠藜杖而
應門正冠則纓絕振襟則肘見納履則踵決子貢
曰嘻先生何病也憲曰憲聞之無財之謂貧學而
不能行之謂病憲貧也非病也若夫希世而行比
周而友學以爲人教以爲己仁義之匿車馬之飾
衣裘之麗憲不忍爲之也子貢慚不懌而去終身

此其言之過也

名臣

宋多君子爵位通顯勲庸爛然而光昭史冊者代不乏人拔其尤者以示軌範然人才大小今古勢殊審量品望以後人配前人未能較若畫一者限於時也論世君子自能辨之

周

正考父弗父何曾孫也佐戴武宣公三命滋益恭故其鼎銘云一命而僂再命而偃三命而俯循墻而

商邱縣志 卷之八
走亦莫敢余侮。饁於是，是以餉余口。

目夸字子魚。宋襄公庶兄。初，桓公疾，襄公爲太子。固請曰：「目夸長且仁，君其立之。」公命目夸。目夸辭曰：「能以國讓仁，孰大焉？臣不及也。且又不順，遂退而避焉。」襄公旣立，使目夸爲司馬。未幾，鄫子會盟於邾。公使邾人執鄫子，用之于次。睢之社以屬，東裔目夸曰：「古者六畜不相爲用，小事不用大牲，而况敢用人乎？祭祀以爲人也，民神之主也。用人，其誰饗之？今將以是求霸，不亦難乎？」公納其言。

樂喜字子罕宋戴公之子平公三十年左師會諸侯
以偃兵爲名及會歸而請賞公與邑六十子罕曰
天生五材民並用之廢一不可誰能去兵兵之設
久矣所以威不軌而昭文德也而子求去之不亦
誣乎以誣道蔽諸侯罪莫大焉縱無大討而又求
賞無厭之甚也左師辭邑士尹池爲荆使于宋子
罕止而觴見南家之墻擁于前而不直西家之潦
經其宮而不止問其故曰南家工人也業輓使徙
之恐人不知其處不獲食其業西家高而利吾宮

之卑故不禁也士尹池歸荆荆王適欲興兵攻宋
因諫曰宋不可攻也其主賢而相仁楚遂釋宋

樂祁犁字子梁子罕孫爲宋司城元公十五年魯叔
孫婣聘于宋宋公享昭子賦新宮昭子賦車轄明
日宴飲酒樂宋公使昭子侍坐語相泣也樂祁犁
佐退而告人曰今茲公與叔孫其皆死乎吾聞之
哀樂而樂哀皆喪心也心之精爽是謂魂魄魂魄
之去何以能久是歲冬十月叔孫婣卒十有一月
宋公卒於曲棘

漢

灌嬰唯陽人嘗以販繒爲業從高帝起豐沛兵以中
涓擊破秦軍賜爵五大夫後伐秦滅項俱能力戰
疾鬪累立大功定天下封潁陰侯高后崩與周勃
等共平諸呂迎立文帝進太尉右丞相卒謚懿侯
樂布梁人彭越爲家人時常與布遊窮困賣庸於齊
爲酒家保又爲人略賣爲奴於燕爲王家報仇燕
將臧荼舉以爲都尉漢擊燕擄布時彭越已爲梁
王贖布爲梁大夫越被誅詔曰有敢收視者捕之

布從齊還哭尸下吏捕以聞上召布罵曰若與越反耶趣烹之布顧曰願一言而死上曰何言布曰方上之困于彭城敗滎陽成臯間項王所以不能西徙以彭越居梁地與漢合從苦楚也當是時一顧與楚則漢破與漢則楚破且垓下之會微彭越項氏不亾天下已定彭越剖符受封意欲傳之萬世今陛下以苛小案誅滅之臣恐功臣人人自危也今彭越已死臣生不如死請就烹于是上迺釋布罪拜爲都尉孝文時爲燕相至將軍布迺稱曰

窮困不能辱身下志非人也富貴不能快意非賢也于是嘗有德者厚報之有怨者必以法滅之吳楚反時以功封鄧侯後復爲燕相燕齊之間皆爲立社號曰樂公社

申屠嘉梁人以材官蹶張從高帝擊項籍遷隊長累功至淮陽守孝文立封關內侯遷御史大夫代張蒼爲丞相封故安侯嘉爲人廉直不受私謁是時鄧通方愛幸賞賜累巨萬丞相入朝通居上旁偃蹇丞相奏事畢因言曰陛下幸愛羣臣則富貴之